

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0065129 25
Zenica, 02.02.2026. godine**

**KANTONALNOM SUDU U ZENICI
-Sudiji za prethodno saslušanje-
ZENICA**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem:

O P T U Ź N I C U

Protiv:

1. **N. S. ..., više puta osuđivan ..., nalazi se u pritvoru po rješenju Općinskog suda u Visokom, broj: ... od 11.8.2025. godine, koji je posljednji put produžen rješenjem Kantonalnog suda u Zenici, broj: ... od 06.01.2026. godine na način da može trajati najduže do 08.02.2026. godine.**
2. **B. T., ..., neosuđivan, ne vodi se postupak za drugo krivično djelo,**

Što su:

1. N. S.,

dana 01.08.2025. godine, oko 19,20 sati, u Visokom, u ulici ..., došao do prostora ljetne bašte ugostiteljskog objekta „...“ (...“ smještenog u krugu ... „...“ kako bi pronašao A. K. sa kojim je od ranije u sukobu, noseći automatsku pušku NN marke koja koristi municiju za vatreno oružje kalibra 7,62x39 mm koju pušku je neovlašteno držao suprotno odredbama člana 5. stav 1. tačke a), člana 6. stav 1. tačke a) u vezi sa članom 6a Kategorija A tačka 2. u vezi sa članom 6b stav 1. tačka a) podtačka 1. Zakona o nabavljanju, držanju i nošenju oružja i municije ZDK svjestan da držanje automatske puške i municije za istu građanima uopšte nije dozvoljeno, što je i htio, pa je prilikom dolaska do navedenog objekta iz puške ispalio jedan metak u zrak kada se u tom trenutku ispred objekta nalazio veći broj građana i to gostiju objekta, konobara, tri pripadnika obezbjeđenja objekta uključujući M. S., H. H., H. S., A. D. kao i lice A. K., svjestan da na taj način izaziva opasnost po život prisutnih i imovinu većeg obima, što je i htio, pa kada je primjetio među prisutnim licima i A. K. koji se nalazio na stepenicama ispred vrata koja vode do ulaza gornjeg sprata ugostiteljskog objekta „...“ obratio mu se riječima „*Stani, stani p**“ te istog momenta iz automatske puške koju je uperio u pravcu A. K. i koja je bila napunjena municijom za automatsko vatreno oružje kalibra 7,62x39 mm u namjeri da liši života A. ispalio sedam hitaca u njegovom pravcu od kojih hitaca su tri zrna pogodila zidne lameprijeske elemente poslovnih prostora koji se nalaze sa lijeve strane ulaza u

ugostiteljski objekt “...” i lijeve strane u odnosu na poziciju stajanja A. K., iako je znao i bio svjestan da pucanjem iz automatskog vatrenog oružja u pravcu tijela može lišiti života A. K., što je i htio, nakon čega su se prisutni gosti i osoblje dali u bjekstvo, a K. A. krenuo trčati prema prostoru pijace, preko raskrsnice tzv. “...” na kojim mjestima je bilo okupljeno više prolaznika koji su se zbog upotrebe vatrenog oružja sakrivali iza vozila sve do ulice ... gdje je sustižući A. K. ponovo usmjerio vatreno oružje u njegovom pravcu na način da je na raskrsnici ulica ... i ... u pravcu A. K. iz automatske puške koju je nosio u rukama ispalio još najmanje dva metka čija zrna su završila u fasadi zida koji je okrenut prema ulici ... sa adresom ... u visini od 170 cm do 250 cm od podnožja kuće dok su drugi hici pogodili objekte i krovove kuća duž trase kretanja kretanja A. K., nakon čega je pobjegao sa lica mjesta odnijevši sa sobom i pušku koju je nakon odlaska sakrio na njemu poznato mjesto pa puška nije pronađena,

dakle, pokušao usmrtiti drugoga, pucanjem iz automatskog vatrenog oružja na mjestu gdje je okupljen veći broj ljudi izazvao opasnost za život više ljudi i neovlašteno držao vatreno oružje i municiju čija nabavka i držanje građanima uopšte nije dozvoljena,

2. T. B.

dana 02.08.2025. godine, oko 08:00 sati, u Visokom, nakon što je N. S. u večernjim satima dana 01.08.2025. godine u gradu Visoko počinio krivično djelo na način kako je to opisano pod tačkom 1. optužnice kada je pobjegao sa mjesta događaja te uspio taksijem doći ispred firme “...” u ..., jer je znao da je u istoj zaposlen T. B. kojeg je poznavao od ranije kako bi od istog tražio da mu organizuje prevoz službenim vozilom firme do druge lokacije na kojoj bi se sakrio pa je N. S., nakon što mu je T. B. dao svoj broj telefona da ga kontaktira kasnije, otišao do K. H. u mjestu B. M. bb kojem je prethodno ostavio na popravak svoje vozilo te iskoristio priliku i od H. zatražio njegov mobitel sa kojeg je, oko 11:15 sati, ponovo pozivom kontaktirao B. T. sa ciljem dogovora oko daljeg prevoza na sigurnu lokaciju koji mu je tom prilikom saopštio kuda će se tog dana kretati vozilom pa je tako na području mjesta ... u Visokom, oko 15:00 sati, našavši se sa N. S. T. B. primio istog u putničko motorno vozilo marke “...” registarskih oznaka „...” i prevezao ga najprije do glavne ceste, a zatim prema mjestu ..., općina Ilijaš, a onda nekategorisanim šumskim putem izbjegavajući prometnije putne komunikacije te dovezao u neposrednu blizinu diskoteke “...” koja se nalazi u Sarajevu, te tokom vožnje omogućio N. S. da putem njegovog mobilnog telefona ostvari kontakt i pošalje glasovne poruke trećim osobama uključujući i lice Dž. S. kako bi ovom dojavio mjesto na kojem će se skrivati u Sarajevu, a sve u namjeri da mu pomogne da se udalji s područja izvršenja krivičnog djela i izbjegne otkrivanje i lišenje slobode od strane policije, iako je T. B. bilo poznato da je N. S. počinilac krivičnog djela iz tačke 1. i o tome je upoznao i radne kolege firme „...” A. M. i H. prilikom prvog kontakta sa N. saopštavajući im u razgovoru da se radi o licu koje je dan ranije pucalo u Visokom, pa je bio svjestan da mu svojim radnjama pomaže da ne bude otkriven, što je i htio,

dakle, pomogao učinitelju krivičnog djela za koje se može izreći kazna zatvora pet godina ili teža da ne bude otkriven,

čime bi osumnjičeni N. S. počinio krivično djelo Ubistvo iz člana 166. stav 1. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 58/2025, u daljem tekstu "KZ F BiH") u vezi sa članom 28. KZ F BiH u sticaju sa krivičnim djelom Izazivanje opće opasnosti iz člana 323. stav 3. u vezi sa stavom 1. KZ F BiH i Nedoovoljeno držanje oružja ili eksplozivnih materija iz člana 371. stav 1. KZ F BiH sve u vezi sa članom 54. KZ F BiH, a T. B. počinio krivično

djelo Pomoć učinitelju poslije učinjenog krivičnog djela iz člana 346. stav 2. u vezi sa stavom 1. KZ F BiH.